

huc resistere valeant. *Alia* insuper 5.) est *activa*, quæ ita dicitur respectu subjicientis, qui alios in potestatem suam redigit sibiqve subjugat, sicut talis CHRISTO data *ἐνέργεια*, ut potuerit *ὑποτάξαι ἑαυτῷ τὰ πάντα*, *Phil. III. 21.* *alia passiva*, respectu inferiorum, qui imperium alterius, ut subjecti, suscipere necesse habent, *Tit. II. 9.* Deniq; 6.) Subjectus aliquis dici potest vel *ἀπλῶς ac simpliciter*, qui nullum habet inferiorem, sed in summo gradu est subjectus v. g. mancipium abjectissimum; vel *κατὰ τὸ ac secundum quid*, nimirum respectu superioris, cum aliàs non implicet, eum qui subjectus est, alios quoque sibi iterum subjectos habere, ut Magistratus inferior superiori subjectus dici potest. Quando itaq; CHRISTUS *ὑποταγμένῳ τῷ Πατρὶ* dicitur, est illa eadem *passiva Subjectio*, ast non *servilis, civilis, coacta, ac ἀπλῶς talis, sed filialis, libera ac secundum quid talis*, nimirum respectu Patris, qui activè ipsi omnia subjecit.

§. III. Expositis nunc loci nostri cum antecedentibus connexionem, ac varia vocabuli Subjectionis acceptione, protinus ad *Subjectionis passivæ Terminum à quo* considerandum progredimur, quando nimirum illa manifestanda sit, perpendentes. Hic autem *Terminus à quo*, est *Subjectio τῶν πάντων activa*, quibus subjectis, ipsa Filii Subjectio, quæ idem Patri subicitur, manifesta fiet, uti oppositio particularum *ἕταν & τότε*, in verbis Paulinis, satis evidenter evincit, dum dicit: *ὅταν δὲ ὑποταγῇ αὐτῷ τὰ πάντα, τότε καὶ αὐτὸς ὁ υἱὸς ὑποταγήσεται.* Est autem hæc Subjectio nihil aliud, quàm consummatissimi dominii in omnia terrestria atqve cælestia acquisitio ac usurpatio, atqve plenaria omnis potestatis hostium infernalium destructio & abolitio, quæ, devictis omnibus hostibus, ita illorum insolentia fracta, ita debili-

debili-